



Broj: 07-05-2315/15

Sarajevo, 14.09. 2015. godine

## SKUPŠTINA KANTONA SARAJEVO

### Predmet: Očitovanje na poslaničku inicijativu

Na 6. Radnoj sjednici Skupštine Kantona Sarajevo, održanoj dana 02.09.2015.godine, u okviru tačke dnevnog reda "Poslanička pitanja, inicijative i odgovori", zastupnik Mirza Čelik pokrenuo je slijedeću inicijativu:

#### Inicijativa

**"U skladu sa Poslovníkom Skupštine podnosim inicijativu prema Ministarstvu privrede za preduzimanje potrebnih aktivnosti na izradi novog Zakona o turizmu na nivou Kantona Sarajevo.**

Razlozi za donošenje kantonalog Zakona o turizmu su sljedeći:

Na nivou FBiH usvojen je novi Zakon o turističkoj djelatnosti (Službene novine FBiH, broj 32/09), koji reguliše pitanje turističke djelatnosti. S obzirom da se radi o podijeljenoj nadležnosti, te o činjenici da isti nije uopšte tretirao ovlasti kantona, ukazuje se potreba da se i na nivou Kantona Sarajevo obavljanje turističke djelatnosti, sa svim svojim specifičnostima, reguliše novim zakonom.

Svojim rješenjima, novi kantonalni zakon bi doprinio unapređenju i bržem razvoju turizma, kroz podizanje ukupne kvalitete turističke ponude Kantona Sarajevo.

Takođe, ovim zakonom bi trebalo regulisati ustrojstvo i rad Turističke zajednice Kantona Sarajevo, s obzirom na činjenicu da je Presudom Ustavnog suda FBiH od 03.07.2014.godine utvrđeno da Zakon o turističkim zajednicama i promicanju turizma u FBiH ("Službene novine FbiH", broj 19/96 i 28/03) nije suglasan Ustavu FBiH.

Očekivani efekti od donošenja ovog zakona se prvenstveno odnose na suzbijanje i smanjenje sive ekonomije i rada na crno u oblasti turizma, bolju zaštitu korisnika turističkih usluga, povećanje budžetskih sredstava i drugih javnih vanbudžetskih prihoda, zaštitu tržišnog natjecanja, veću profesionalizaciju djelatnosti.

U tom pravcu neophodno je što prije donijeti novi Zakon o turizmu Kantona Sarajevo, kako bi se stvorile pravne pretpostavke za regulisanje navedene problematike".



## Odgovor:

U skladu sa podnesenom Inicijativom, kao i ranije pripremljenih i poduzetih aktivnosti, Ministarstvo privrede pokrenulo je proceduru za donošenje kantonalnog Zakona o turizmu. Formirana je Komisija za izradu Zakona o turizmu, koju je imenovao ministar privrede, Rješenjem broj 07-01-05-24216/15 od 07.09.2015.godine, u slijedećem sastavu:

Azra Midžić, predsjednik, Ministarstvo privrede

Samir Sofo, član, Ministarstvo privrede

Azra Ahmespahić, član, Ministarstvo privre

Nermina Hadžić, član, Ministarstvo privrede

Azra Ahmespahić, član, Ministarstvo privrede

Indira Eminović, član, Kantonalna uprava za inspekcijske poslove.

Zadaci Komisije su da izradi tekst Nacrta zakona o turizmu, radi prosljeđivanja Vladi Kantona Sarajevo i Skupštini Kantona Sarajevo, na daljnju proceduru i nakon utvrđivanja Nacrta zakona o turizmu i provedene javne rasprave izradio tekst Prijedloga zakona o turizmu. Rokovi su : za izradu Nacrta Zakona 15 dana od dana imenovanja Komisije, a za izradu Prijedloga Zakona 8 dana od dana okončanja javne rasprave.

Komisija je dužna nakon izvršenik poslova i zadataka dostaviti izvještaj o radu ministru privrede Kantona Sarajevo.

Zakon treba da tretira pitanje turističke djelatnosti na području Kantona Sarajevo, kao i ustrojstvo i finansiranje turističke zajednice Kantona Sarajevo.

Naime, na nivou FBiH usvojen je novi Zakon o turističkoj djelatnosti (Službene novine FBiH, broj 32/09), koji reguliše pitanje turističke djelatnosti. S obzirom da se radi o podijeljenoj nadležnost, te o činjenici da isti nije uopšte tretirao ovlasti kantona, ukazuje se potreba da se i na nivou Kantona Sarajevo obavljanje turističke djelatnosti, sa svim svojim specifičnostima, reguliše novim zakonom.

Također, s obzirom da trenutno imamo situaciju institucije turističke zajednice čije djelovanje nije propisano ni jednim zakonskim aktom (zbog presude Ustavnog suda FBiH, broj U-34-13 od 03.07.2014.g, koja je proglasila federalni Zakon o turističkim zajednicama i promicanju turizma neustavnim), smatramo da bi se donošenjem novog Zakona koji će regulisati i rad Turističke zajednice Kantona Sarajevo, prevazišla nastala pravna praznina, do donošenja novog federalnog zakona. Svojim rješenjima, novi kantonalni zakon bi doprinio unapređenju i bržem razvoju turizma, kroz podizanje ukupne kvalitete turističke ponude Kantona Sarajevo, obezbijedio svrsishodnije trošenje sredstava, povećanje učinkovitosti sistema, te aktivno učestvovanje Kantona u razvoju turističke djelatnosti.



Dostavljeno:

- zastupniku
- Skupštini KS
- Vladi KS
- a/a



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

